

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 459568 24 St
Tuzla, 09.04.2024.godine

Općinski sud u Tuzli, sudija Antonela Đaković, kao stečajni sudija, u prethodnom stečajnom postupku radi utvrđivanja da li postoje uslovi za otvaranje stečajnog postupka nad imovinom dužnika „BEDEX“ d.o.o. za usluge trgovinu, proizvodnju i transport Živinice, ul. Alije Izetbegovića bb, van ročišta, dana 09.04.2024.godine donio je:

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka nad imovinom „BEDEX“ d.o.o. za usluge trgovinu, proizvodnju i transport Živinice, ul. Alije Izetbegovića bb i na depozitni račun Suda, broj: 132-100-03091233-91 NLB banka dd Sarajevo, predujme iznos od 4.000,00 KM, na ime obezbjeđenja troškova stečajnog postupka, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 11.03.2024.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „BEDEX“ d.o.o. za usluge trgovinu, proizvodnju i transport Živinice, ul. Alije Izetbegovića bb a za privremenog stečajnog upravnika imenovan je Senad Uzunić iz Tuzle. Dana 02.04.2024.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da je djelatnost navedenog pravnog subjekta bila trgovina elektromaterijalom i rasvjetom. Stečajni upravnik je utvrdio da je osnivač i direktor društva Nijaz Dedić, da društvo nema zaposlenika, niti pokretne i nepokretne imovine.

Pravni subjekt ne posluje od 2018.godine, kada je donesena odluka o prestanku Rješenjem Općinskog suda u Tuzli broj: 032-0-Reg-18-001790 od 19.11.2018.godine. Račun kod Addiko banke je blokiran od 15.11.2019.godine. Obaveze dužnika odnose se na dugovanja po osnovu PDV-a u iznosu od 10.390,76 KM, a obavezu po osnovu direktnih poreza su izmireni.

Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika društva „BEDEX“ d.o.o. za usluge trgovinu, proizvodnju i transport Živinice.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 4.000,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finasijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predujma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.